



Broj: 01/1-02-3206/16
Breza, 25.01.2017. godine

Z A P I S N I K

sa PRVE REDOVNE SJEDNICE Općinskog vijeća održane dana 28.12.2016. godine sa početkom u 16,30 sati u prostorijama Općine Breza-Sala Općinskog vijeća.

Sjednicom je predsjedavao predsjedavajući Općinskog vijeća Jusić Vedad.

Prije početka sjednice predsjedavajući Općinskog vijeća upozna je vijećnike o dogovoru predsjednika klubova parlamentarnih stranaka, da vijećnici prilikom učešća u raspravi koriste govornicu a da eventualna pitanja i replike mogu upućivati sa mjesta. Isto tako shodno dogovoru zatražio je od vijećnika da poštuju Statut Općine Breza i Poslovnik o radu Općinskog vijeća koji su regulisali ovu oblast.

Takođe je upoznao vijeće da pojedini vijećnici nisu prisustvovali edukaciji vijećnika koja je održana 07-08.12.2016 godine, te zatražio razloge izostanka.

Potom je izvršena prozivka vijećnika te je konstatovano da na sjednici Općinskog vijeća prisustvuje 20 vijećnika.

Sa sjednice opravdano odsutna vijećnica Jekalović Amina.

Osim vijećnika sjednici Općinskog vijeća su prisustvovali: Općinski načelnik Munib Zaimović, pomoćnici Općinskog načelnika: Meliha Beširević, Smajila Omerhodžić, Herco Huso, Hasanspahić Salih, općinski pravobranilac Telalović Dženana, savjetnici općinskog načelnika Džambić Mirza i Musafić Eldin, predsjednik stranke SDA, predstavnik užeg rukovodstva SBB Hajduković Mirsad te predstavnik javnog informisanja Radio Breza.

Na početku sjednice pristupilo se razmatranju i usvajanju Zapisnika sa konstituirajuće sjednice Općinskog vijeća Breza.

Primjedbi na Zapisnik sa konstituirajuće sjednice Općinskog vijeća Breza nije bilo, te je isti usvojen jednoglasno sa 20 glasova ZA, bez protiv i suzdržanih glasova.

Zatim se prešlo na vijećnička pitanja.

Vijećnik Muratović Namik u pismenoj formi postavio je vijećničko pitanje koje se odnosi na održavanje javne rasvjete na relaciji Podžupča-Župča, a pokrenuo je i vijećničku inicijativu o rješavanju imovinsko-pravnih odnosa za dom kulture u Župči.

Vijećnik Asim Muratović u pismenoj formi postavio je vijećničko pitanje koje se odnosi na isplatu štete porodici Džafić Edina nastale u poplavama 2014. godine, te spisak lica koji su na spisku za naplatu šteta sa navedenim iznosima.

Vijećnik Bajrić Fetah zatražio je odgovore na vijećnička pitanja koja je postavio općinskim službama u prethodnom sazivu, prvenstveno na pitanja koja se odnose na stanje u JP „Komunalno“ d.o.o Breza. U pismenoj formi postavio je i nova vijećnička pitanja koja se odnose na trošenje budžetskih sredstava za period 2013-2016 godine, kao i visina primanja plata i ostalih naknada Općinskog načelnika u navedenom periodu.

Vijećnik Kadrić Memsud zatražio je odgovor od Općinskog načelnika o nastavku započetog projekta na izgradnji kolektora za prečišćavanje otpadnih voda za područje opština Breza, Ilijaš i Vogošća. Zatražio je i informacije o načinu, izgradnje i finansiranju projekta na izgradnji pješačke staze od Doma u Mahali do Osnovne škole u Mahali, kao i rekonstrukciji i proširenju puta do gradskog grebl u Mahali.

Općinski načelnik Munib Zaimović upoznao je vijeće da će se nastaviti aktivnosti na realizaciji započetog projekta za izgradnju kolektora za prečišćavanja otpadnih voda, ali je upozorio na održavanje postrojenje u segmentu finansija.

Vijećnik Avdić Edin pozvao je sve vijećnike Općinskog vijeća Breza da u svom radu zaborave interese političkih partija koje zastupaju i da u vode računa o interesima Općine kao lokalne zajednice i interesima građana koji su ih birali. U nastavku se osvrnuo na zakonsku regulativu koja se odnosi na zimsko održavanje, održavanje puteva, javnih površina u gradu, i da iste finansijski podržimo i obezbjedimo potrebna sredstva za rad i poslove povjerimo našem komunalnom preduzeću.

Takođe je insistirao da se preko PS Breza, aktivnost usmjeri na kontrolu tehničke ispravnosti vozila a posebno autobusa, koji učestvuju u javnom prevozu putnika.

U daljem izlaganju vijećnik Avdić postavio je vijećničko pitanje i upoznao je vijećnike da od 2017 godine na snagu stupa nova esencijalna lista lijekova, koja nije u funkciji poboljšanja zdravlja nego uštede na zdravlju, obzirom da većinu lijekova penzioneri i ugrožena kategorija stanovništva neće moći kupovati zbog socio-ekonomskih razloga. Traži da se pokrenu aktivnosti u saradnji sa Udruženjem penzionera na izmjeni iste.

U nastavku sjednice pristupilo se utvrđivanju dnevnog reda.

Predsjedavajući Općinskog vijeća predložio je dnevni red kao u sazivu.

Primjedbu na predloženi dnevni red i stav Kluba SDA dao je predsjednik kluba Hasanspahić Mirza koji je predložio da se 12 tačka dnevnog reda donošenje Zaključka o nastavku aktivnosti na Izradi investiciono- tehničke dokumentacije za sanaciju i rekultivaciju postojeće deponije komunalnog otpada Općine Breza i izgradnju pratećih sadržaja prilagođenih regionalnom konceptu odlaganja (prva faza), povuče sa dnevnog reda iz razloga što se radi o veoma složenoj materiji te je potrebno obezbjediti mišljenje predstavnika MZ-a te stav stručnih ljudi koji se bave ovom problematikom.

Vijećnik Avdić Edin istakao je da dostavljeni materijal nije dovoljan i sveobuhvatan da bi se donijela odgovarajuća odluka imajući u vidu činjenicu da se radi o veoma složenoj materiji koja traži uključivanje kako predstavnika MZ-a tako i lica koja su certificirana za davanje stručnih mišljenja po ovoj problematici. Ponuđene komponente u informaciji nisu dovoljno razrađene i elaborirane da bi se mogla donijeti odluka na ovoj sjednici vijeća. Takođe se osvrnuo i na potrebna finansijska sredstva za realizaciju projekta, te mogućnost obezbjeđivanja finansijskih sredstava putem evropskih fondova.

U raspravu se uključio i Općinski načelnik koji je istakao da se ovim putem vijećnici upoznaju sa problematikom te se slaže sa prijedlogom da se tačka dopuni sa traženim podacima da bi se donijela kvalitetna odluka.

Pomoćnik Općinskog načelnika za privredu Salih Hasanspahić pojasnio je da ovaj projekat znači uspostavljanje komunalne infrastrukture u skladu sa evropskim standardima što podrazumljeva pravilno upravljanje otpadom i stvaranje reciklažnih dvorišta. To znači da se obezbjedi projektna dokumentacija od strane stručne ustanove.

Predsjedavajući Općinskog vijeća Jusić Vedad predlaže vijećnicima da se tačka skine sa dnevnog reda te da se materijal pripremi i zakaže tematska sjednica.

Predsjednik kluba SDA Mirza Ahmedspahić mišljenja je da je ovo prelazak na stvaranje regionalne deponije što neodobrava i nije dobro za našu Općinu.

Vijećnik Bajrić Fetah istakao je da ova problematika nije rješavana u prethodnom periodu, obzirom da nijedna općinska služba nije vijeću ponudila rješenje ovog problema.

Vijećnik Sirotanović Arif podržava prethodne diskutante u pogledu rješavanja problema deponije.

Vijećnik Čamil Buljetović istakao je da je problem veoma složen te da se dosadašnjim ponašanjem od strane Općine izgubilo povjerenje građana, te da će iste biti vrlo teško uvjeriti i pored dobrih namjera općinskog organa, da bi se bilo šta pokrenulo na pomenutom

lokalitetu. Predlaže da se u rješavanje problema uključe predstavnici MZ-a i da se održi javna rasprava.

U nastavku sjednice predsjedavajući Općinskog vijeća dao je na glasanje prijedlog da se 12 U tačka dnevnog reda Zaključka o nastavku aktivnosti na Izradi investiciono- tehničke dokumentacije za sanaciju i rekultivaciju postojeće deponije komunalnog otpada Općine Breza i izgradnju pratećih sadržaja prilagođenih regionalnom konceptu odlaganja (prva faza), skine sa dnevnog reda.

Nakon provedenog postupka glasanja konstatovano je da je prijedlog usvojen sa 19 glasova ZA i 1 suzdržanim glasom.

U nastavku je sa istim brojem glasova usvojem sljedeći:

D N E V N I R E D

1. Usmena informacija o radu Općinskog načelnika u periodu od preuzimanja mandata do prve redovne sjednice Općinskog vijeća
2. Informacija komisije za primopredaju dužnosti načelnika Općine Breza
3. Razmatranje i usvajanje Izvještaja o izvršenju Buđeta Općine Breza za šest mjeseci 2016 godine
4. Razmatranje i usvajanje prijedloga Rebalansa Buđeta Općine Breza za 2016 godinu
5. Razmatranje i usvajanje prijedloga Odluke o privremenom finansiranju Općine Breza za period januar- mart 2017. godine
6. Razmatranje i usvajanje prijedloga Odluke o izradi Strategije razvoja Općine Breza za razdoblje 2017-2021 godine
7. Razmatranje i donošenje Zaključka po Nacrtu Programa rada Općinskog vijeća Breza za 2017 godinu
8. Razmatranje i usvajanje prijedloga Odluke o pristupanju impementacije „Projekta razvoja ruralnog poslovanja“
9. Razmatranje i usvajanje prijedloga Odluke o pristupanju izradi Regulacionog plana „Industrijske zone Koritnik“
10. Razmatranje i usvajanje prijedloga Odluke o pristupanju izradi Regulacionog plana „Autosaobraćaj-Breza“
11. Razmatranje i usvajanje prijedloga Odluke o stavljanju van snage Odluke o izmjeni odluke o bližim kriterijima za imenovanje u Upravni odbor JU Dom zdravlja Breza
12. Izjašnjavanje o povjerenju članova upravnog odbora u Javnoj ustanovi:
 - Centra za socijan rad, te razmatranje ostavke člana Upravnog odbora
13. Imenovanje članova upravnih odbora Javnih ustanova na kraći period
 - Dom zdravlja Breza
 - Centar za socijalni rad
 - Opća biblioteka Muhamed Kantardžić
 - Obdanište Umihana Čuvidina
14. Imenovanje komisija stalnih radnih tijela Općinskog vijeća
 - a) Komisija za Statut i propise
 - b) Drugostepena upravna komisija
 - c) Komisija za buđet i finansije

Ad.1

Usmena informacija Općinskog načelnika o aktivnostima između održane konstativne i prve redovne sjednice.

Općinski načelnik Zaimović Munib upoznao je vijećnike o aktivnostima koje su vođene u pomenutom periodu.

Upoznao je vijećnike da je dužnost Općinskog načelnika 09.11.2016 godine. Uslijedilo je upoznavanje sa stanjem u Općinskom organu uprave, na prvom redu u pogledu ljudskih resursa, finansijskog stanja kao i vođenja postupka primopredaje. Prioritet je stavljen na zakonska regulativu Jedinštenog općinskog organa uprave te priprema nedostajuće regulative. U naprijed navedenom periodu ostvaren je kontakt sa višim nivoima vlasti te potencijalnim investitorima i stranim ulagačima. U proteklom periodu izvršena je posjeta pojedinim MZ-a lokalne zajednice radi upoznavanja sa stanjem i problematikom istih. Izvršeno je i sagledavanje stanja u javnim preduzećima i javnim ustanovama gdje je osnivač općina. Takođe je ostvaren kontak sa Kantonalnim i Federalnim organima CZ kako bi se stvorili uslovi za formiranja vatrogasne jedinice i nabavke vatrogane opreme vozila i dr. Akcenat je stavljen i na zimsko održavanje kako bi prohodnost putni komunikacija na području Općine reza bio zadovoljavajući. Isto tako ostvaren je kontakt sa Ministarstvom prometa i komunikacije sa ciljem obezbjeđenja sredstava za intervenciju na regionalnom putu R444. Izvršeno je postavljanje horizontalne i vertikalne signalizacija na području Općine Breze. Obezbeđena su i sredstva za postavljanje ograde na šehidskom mezarju dva. Vođeni su razgovori sa nadležnim iz Ministarstva obrazovanja o nastavku realizacije projekta izgradnje sportske dvorane u Brezi. Održana su dva sastanka sa privrednicima sa područja Općine Breza te stvaranju uslova za bolje poslovanje i pokretanje biznisa od strane poduzetnika sa područja općine, te otklanjanje administrativnih barijere prilikom redovnih poslova i aktivnosti. Takođe je ostvaren kontakt sa predstavnicima poretske uprave te rješavanja problema blokade računa Općine. Dalje je istakao da je potrebno u narednom periodu pristupiti izradi neophodne dokumentacije kako bi Općina Breza mogla učestvovati na dobivanju sredstava iz evropskih fondova.

U nastavku izlaganja je upoznao vijećnike da su obezbjeđena sredstva putem IFAD fonda za pristupanju i izradi projektne dokumentacije za početak izgradnje tržnice prva faza, kao i realizaciji projekta puta u naselje Župča. Upoznao je prisutne o obavezama, potrebama i problemima djece sa posebnim potrebama.

Vijećnik Avdić Edin postavio je pitanje Općinskom načelniku da li je zamrznuo aktivnosti sa SBB i SDA, te način vođenja Općinske politike.

Općinski načelnik odgovorio je da je on voljom građana izabran za načelnika Općine breza, te da je stvorena koaliciona većina koja funkcioniše dogovorom sve javno i transparentno u interesu svih građana Općine Breza.

Predsjedavajući Općinskog vijeća zatražio odgovor od Općinskog načelnika o reorganizaciji Općinskog organa uprave.

Općinski načelnik pojasni je da će za narednu sjednicu Općinskog vijeća u saradnji sa pomoćnicima Općinskog načelnika donijeti novi dokumenat općinske organizacije službi.

Ad.2

Informacija komisije za primopredaju dužnosti načelnika Općine Breza.

Predsjednik Komisije za primopredaju dužnosti Općinskog načelnika Džambić Mirza upoznao je vijećnike da je Općinski načelnik imenovao komisiju za primopredaju u sastavu: Džambić Mirza predsjednik, Mustafić Eldin član, Hadžiahmetović Enver član, Đenan Cigura član. Bulbulušić Nejira određena je za tehničkog sekretara komisije. Komisija je u svom radu angažovala pomoćnike općinskog načelnika i Općinskog pravobranioca koji su komisiji pružili potrebne informacije i izvještaje iz svoje nadležnosti.

Detaljno je upoznao vijećnike o materijalno- finansijskom poslovanju na osnovu izvoda iz izvještaja službe za finansije, inspekcijske poslove i opću upravu u periodu

2012-2016 godina. Konstatovano je da je općinski budžet u periodu 2012-2016 godine bio u prosječnom nivou od 4.000.000,00 izuzev za 2016 godinu gdje je planiran u iznosu od 5.010.000,00 .Izvršenje istih po godinama uglavnom bio manji, te je ostvarivan defici u budžetu, najviši u 2012 godini kada je iznosi 12%. Trenutno budžetski deficit iznosi 2%, stim da su podaci za period VI-IX 2016 godine nekompletni i Općinsko vijeće nije usvojilo izvršenje budžeta za ovaj period odnosno kvartal tekuće godine. Ocjenjeno je da je prema dostavljenim podacima o izvršenju budžeta za prvi 6 mjeseci tekuće godine, planiranje istog bilo nerealno, te shodno tome bilo je nužno izraditi rebalans budžeta kako bi se smanjio rast budžetskog deficita.

Zatim se osvrnuo na rad i radne odnose u periodu 2012-2016 godina. Uočeno je da je u prethodnom periodu izvršen prijem 10 državnih službenika i 11 namještenika, svi sa radnim odnosom na neodređeno vrijeme. Uz to o ovom periodu bilo je angažovano 62 volontera, odnosno lica na stručnom osposobljavanju bez zasnivanja radnog odnosa i 10 pripravnika sa trajanjem radnog odnosa do 12 mjeseci. Shodno navedenom, na dan 09.11.2016 godine ukupan broj zaposlenih u jedinstvenom Općinskom organu uprave je 65, i to 25 državni službenika, 39 namještenika, 1 Općinski pravobranilac, 1 namještenik u Općinskom pravobranilaštvu i Općinski načelnik. Trenutno 31 lice angažovano je po osnovu Ugovora o stručnom osposobljavanju bez zasnivanja radnog odnosa i većini njih ugovor ističe 04.01.2016 godine.

Kada se radi o Javnim ustanovama i preduzećima čiji je osnivač Općina uočen je prijem povećanog broja lica angažovanih po Ugovoru o djelu, a sa određenim brojem lica bio je zaključen Ugovor o radu na neodređeno vrijeme, bez provedene zakonske procedure.

Izvršena je analiza započetih projekata koji nisu privedeni kraju, te provedena procedura javnih nabavki te posljedice koje mogu nastupiti za ugovoreni organ.

Vijećnik Bajrić Fetah postavio je pitanje da li je Komisija za primopredaju zapisnik napisala na osnovu izvještaja službi. Obzirom na loše dosadašnje iskustvo izrazio je sumnju u istinitost dostavljenih podataka od strane službi. U proteklom periodu više puta tražio je podatke o broju i načinu upošljavanja, kao i pitanja o trošenju budžetskih sredstava ali službe nikad nisu našle za shodno da odgovore na postavljena pitanja. Postavio je pitanje odgovornosti za ovakvo ponašanje, te traži da se krivci poimeično prikažu. Takođe je zatražio izvještaj o primopredaji u pismenoj formi.

Vijećnik Muratović Namik postavio je pitanje kakva je uloga Općinskog pravobranioca po pitanju kršenja zakona i procedura propisanih zakonom u Jedinstvenom općinskom organu uprave kao i u javnim ustanovama i preduzećima, te čija je nadležnost da pokrene odgovornost za učinjene propuste.

Vijećnik Avdić Edin istakao je da je bitno da postoje dokazi o počinjenom djelu te da postoje pravni mehanizmi nadzora nad trošenjem budžetskih sredstava, kako od strane općine tako i viših organa vlasti.

(Na zahtjev vijećnika uslijedila je pauza od 18:20 do 18:40 minuta.)

Ad.3

Razmatranje i usvajanje Izvještaja o izvršenju Budžeta Općine Breza za šest mjeseci 2016 godine.

Pomoćnik načelnika za finansije, inspeksijske poslove i opću upravu Meliha Beširević upoznala je vijećnike da je Budžet općine Breza za 2016 godinu usvojen 31.12.2015.godine u iznosu od 5.010.000,00 KM. Ukupan prihod u periodu 01.01.2016 do 30.06.2016 godine ostvaren je u iznosu od 1.795.601,89 KM što je 36% planiranih prihoda u 2016 godini. Rashodi budžeta za isti period su 1.955.822,00KM što je 39% plana za 2016 godinu. Procenat izvršenja Budžeta za prvih šest mjeseci 2016 godine je 92,00% što znači da je ostvaren budžetski deficit od 8,00% ili 160,220,11 KM. Međutim realna slika ostvarenja

prihoda i rashoda nastaje tek u trećem kvartalu tekuće godine, tako da je omjer prihodi i rashodi najobjektivniji za analizu nakon trećeg kvartala. Neizmirene obaveza Općine Breza na dan 30.06.2016 godine iznose 1.601.546,62 KM a potraživanje od drugih na isti dan iznosila su 958.960.10KM. U nastavku je pomoćnik načelnika za finansije, inspeksijske poslove i opću upravu Meliha Beširević vijećnike detaljno upoznala o strukturi ostvarenih prihoda, izdacima i tekućim grantovima u izvještajnom periodu.

(Radu sjednice vijeća priključio se vijećnik Muratović Namik i Općinski načelnik Munib Zaimović.)

Predsjednik kluba SBB-a Muratović Namik istako je da je punjenje budžeta u izvještajnom periodu jako loše te da je to predizborni budžet. Vijećnici SBB-a neće podržati ovaj izvještaj. Predlaže da u narednom periodu služba, vijeću podnosi kvartalne izvještaje o punjenju i trošenju budžetskih sredstava.

Vijećnik Bajrić Fetah podsjetio je da je on insistirao na dostavljanju izvještaja kako je planirano Programa rada Općinskog vijeća za 2016 godinu i to u sedmom mjesecu tekuće godine, ali isti nije dostavljen. Ne slaže sa podnesenim izvještajem. Iz izvještaja se vidi da su sredstva usmjerena u pogrešnom smjeru što se vidi iz pregleda potraživanja i obaveza. Potrebno je da i druge službe urade svoj dio posla kako bi doprinijele boljem punjenju budžeta. Predlaže da stavke koje se ne mogu naplatiti brišu iz izvještaja. Traži realno planiranje ljudskih resursa. U radu traži poštivanje Statuta i Poslovnika Općine Breza.

Vijećnik Avdić Edin je istakao da je bitno da imamo budžet koji je utemeljen na zakonu. Vijećnici Općinskog vijeća imaju zadatak da donesu Odluku o izvršavanju budžeta te da prate budžetski kalendar, kako donošenja tako i izvršavanja.

Vijećnik Kadrić Memsud uočio je da je naplata komunalnih taksi bila 100% procentu. Međutim JP „Komunalno d.o.o. Breza isplaćeno je samo 18.000 KM kao subvencija za isplatu kredita. Kako se desilo da za šest mjeseci tekuće godine, planirana sredstva nisu doznačena prema javnim ustanovama, kako je planirano.

Učesnika u raspravi nije bilo te je nakon provedenog postupka glasanja konstatovano je da Izvještaj o izvršenju Budžeta Općine Breza za šest mjeseci 2016 godine nije usvojen, (13 protiv, 5 ZA i 2 suzdržana)

Ad. 4

Razmatranje i usvajanje prijedloga Rebalansa Budžeta Općine Breza za 2016 godinu.

Pomoćnik načelnika za finansije, inspeksijske poslove i opću upravu Meliha Beširević pojasnila je da je budžet procjena godišnjih prihoda i rashoda, te utvrđen iznos izdataka i drugih plaćanja. Ukoliko dođe do pogrešne procjene i razlike u prihodima i rashodima dolazi do korekcije odnosno rebalansa budžeta. U ovom slučaju budžet je predviđen u iznosu od 5.010.000,00 KM za 2016 godinu a prema sadašnjim pokazateljima realan budžet bi iznosio 4.164.000,00 KM, rashodi 4.154.000,00 KM i budžetska rezerva 10.000 KM.

Vijećnik Bajrić Fetah tražio je pojašnjenja koja se odnose na plate i naknade budžetskih korisnika te procenat izdvajanja od ukupnog budžeta. Kako se moglo desiti da za plaće uposlenih izdvoji 1.547.000,00 KM odnosno 37,15% od ukupnog rashoda budžeta. Takođe je tražio pojašnjenje po kojim kriterijima se isplaćuju sredstva za rad političkih stranaka. Tražio je pojašnjenje o planiranju sredstava Kantona u budžet Općine. Smatra da su odgovorne službe za ono što su uradile i što su trebale a nisu.

Vijećnik Čamil Buljetović slaže se sa činjenicom o problemu prekomjernog zapošljavanja te taj problem treba rješavati.

Vijećnik Namik Muratović pitao je ko je odgovoran za ovo nerealno planiranje i trošenje budžeta te ko će odgovarati za isto.

Vijećnik Avdić Edin pojasnio je da je rebalans popravak budžeta, dao je pohvalu za dobro pripremljen rebalans budžeta, te primjena metoda i principa prilikom izrade istog. Ne slaže se sa podatkom o procentu naknada planiranih za plate i naknade jer one realno iznose 43%.

Vijećnik Buljetović Ćamil uputio je zamjerku vijećnicima iz prošlog saziva što su glasali za ovakav prijedlog budžeta.

Učesnika u raspravi nije bilo te je nakon provedenog postupka glasanja konstatovano je da Rebalansa Budžeta Općine Breza za 2016 godinu usvojen jednoglasno sa (19 glasova ZA bez proziv i suzdržanih glasova).

(U momentu glasanju u sali nije bio prisutan vijećnik Muratović Namik)

Ad. 5

Razmatranje i usvajanje prijedloga Odluke o privremenom finansiranju Općine Breza za period januar- mart 2017. godine.

Pravni osnov kao i razloga za donošenje odluke dala je pomoćnik načelnika za finansije, inspeksijske poslove i opću upravu Meliha Beširević.

Vijećnik Avdić Edin pojasnio je da ova Odluka u biti znači prinudna uprava nad finansijama, te da se ne može se potrošiti više od realizacije budžeta za isti period prethodne godine, umanjenog za kapitalne investicije, izuzev kapitalnih investicija čija se realizacija nastavlja u tekućoj godini. Tkođe je istakao da u izbornoj godini dolazi do zastoja za pripremu i izradu budžeta Općine, te je predlaže da se donese zaključak o izmjenama Statuta i to u članu 110. stav 2. iza riječi tekuće godine da se dopuni riječima u skladu sa "budžetskim kalendarom".

Vijećnik Kadrić Memsud zatražio je odgovor da li za ovaj period postoji Odluka o izvršavanju Odluke o privremenom finansiranju za period od tri mjeseca. Pojašnjeno je da postoji Odluka o izvršavanju budžeta za 2016. godinu koja reguliše trošenje budžetskih sredstava.

Vijećnik Avdić Edin zatražio je da se vijeće izjasni te da donese zaključak o izmjeni Statuta Općine Breza koji se odnosi na trošenje budžetskih sredstava u izbornom periodu.

Na zahtjev vijećnika uslijedila je pauza za donošenje zaključka.

Uslijedila je pauza od 15 minuta od 20:05 do 20:20 sati.

Nakon pauze ispred službe Općinskog vijeća Safet Zahirović predložio je da se uporedo sa izmjenom Statuta općine Breza, pokrene procedura izmjene Poslovnika o radu Općinskog vijeća radi usaglašavanja sa važećom zakonskom regulativom..

Nakon provedenog postupka glasanja konstatovano je da jednoglasno sa 20 glasova ZA, bez protiv i suzdržanih usvojen slijedeći

Z A K L J U Č A K

I

Da se u Program rada Općinskog vijeća Breza za 2017. godinu planira izmjena dopuna Statuta Općine Breza (član 110 stav 2.) i Poslovnika o radu Općinskog vijeća Breza (usklađivanje sa važećim zakonskim propisima).

II

Za realizaciju zaključka zadužuje se predsjedavajući Općinskog vijeća, predsjednici klubova parlamentarnih stranaka i Stručna služba Općinskog vijeća.

Ad. 6

Razmatranje i usvajanje prijedloga Odluke o izradi Strategije razvoja Općine Breza za razdoblje 2017-2021 godine.

Vijećnik Namik Muratović izrazio je zadovoljstvo što se na dnevnom redu našao prijedlog za izradu Strategije općine Breza za period 2017 do 2021 godine. Ko je kriv i ko je kočnica što Općina Breza dosada nije imala strategiju.

Vijećnik Avdić Edin predlaže da se kod izrade strategije vodi računa o angažovanju firmi sa područja ZE-DO kantona.

Predsjedavajući Općinskog vijeća predlaže da se putem web- stranice, građani Breze informišu da Breza dosada nije imala strategiju razvoja te da se imenuju krivci za to.

Vijećnik Kadrić Memsud je istakao da je više puta predlagao izradu strategija razvoja. Smatra da predložena strategija općine obuhvata kratak period.

Pomoćnik načelnika za privredu Salih Hasanspahić pojasnio je da je Općina Breza imala Strategiju razvoja Općine Breza zasnovana na poštivanju ljudskih prava za period 2006-2011 godine. Ukazala se potreba za donošenje novog planskog dokumenta. U okviru svoje nadležnosti Općine donose srednjoročne planove ekonomskog, socijalnog infrastrukturnog razvoja kao i planove razvoja za pojedine djelatnosti. Planove lokalnog razvoja predlaže Općinski načelnik i službe a usvaja Općisko vijeće i donosi se na period od četiri godine, iz razloga što je vezana za planske dokumente finansiranja i projektovanja Evropske unije.

Vijećnik Avdić Edin se osvrnuo na finansijsku potporu ovakvih projekata od strane Međunarodnih fondova i viših nivoa vlasti.

Učesnika u raspravi više nije bilo te je Odluke o izradi Strategije razvoja Općine Breza za razdoblje 2017-2021 godine jednoglasno usvojena sa 20 glasova ZA, bez protiv i suzdržanih glasova.

Ad. 7

Razmatranje i donošenje Zaključka po Nacrtu Programa rada Općinskog vijeća Breza za 2017 godinu.

Vijećnik Bajrić Fetah zatražio je da se u Programu rada Općinskog vijeća za 2017 godinu na strani 11 tačka 11 planira donošenje Izvještaja o radu mjesnih zajednica odnosno da dosadašnjih predsjednika MZ-a podnesu izvještaj o svom radu, prije provođenja izbora za tijela mjesnih zajednica.

Učesnika u raspravi više nije bilo te je predložen

Z A K L J U Č A K

UTVRĐUJE SE Nacrt Programa rada Općinskog vijeća Breza za 2017.godinu.

Po utvrđenom Nacrtu Programa rada Općinskog vijeća Breza za 2017.godinu sprovesti javnu raspravu u okviru vijećnika Općinskog vijeća, pomoćnika općinskog načelnika i predsjednika mjesnih zajednica.

II

Javnu raspravu sprovesti u periodu od **29.12.2016. do 23.01.2017.godine.**

III

Za realizaciju zaključka zadužuje se predsjedavajući Općinskog vijeća, predsjednici klubova parlamentarnih stranaka i Stručna služba Općinskog vijeća.

Za usvajanje Zaključka glasalo je 20 vijećnika ZA, bez protiv i suzdržanih glasova.

Ad. 8

Razmatranje i usvajanje prijedloga Odluke o pristupanju impementacije „Projekta razvoja ruralnog poslovanja“

Pomoćnik načelnika za privredu Salih Hasanspahić upoznao je vijećnike da je Međunarodni fond za poljoprivredni razvoj (IFAD) BiH odobrio projekat razvoja ruralnog poslovanja. Vlada Federacije BiH je 14.02.2011 godine usvojila Zaključak kojim je podržala inicijativu da se kod Međunarodnog fonda za poljoprivredni razvoj osiguraju sredstva za realizaciju projekta razvoja ruralnog poduzetništva. Projekat se sastoji od četiri komponente.

Opći cilj projekta je smanjenje siromaštva na selu kroz povećanje prihoda ciljne skupine i odsnaživanje njihove sposobnosti brzog oporavljanja gradeći profitabilna i farmska

i nefarmska preduzeća. Razvojni cilj projekta je pomoći poljoprivrednicima za preživljavanje, uz nastojanje da pređu iz oblika proizvodnje za vlastite potrebe na komercijalno bavljenje poljoprivredom, te stvaranje prilika za zapošljavanje na selu.

Vijećnik Avdić Edin zatražio je finansijske informacije o projektu, a vijećnik Muratović Namik zatražio je odgovor o rokovima realizacije projekta.

Pomoćnik načelnika za privredu Salih Hasanspahić pojasnio je da je u toku jedne godine predviđen jedan projekat.

Učesnika u raspravi više nije bilo te je Odluke o pristupanju impementacije „Projekta razvoja ruralnog poslovanja“ usvojena jednoglasno sa 20 glasova ZA, bez protiv i suzdržani glasova.

Ad. 9

Razmatranje i usvajanje prijedloga Odluke o pristupanju izradi Regulacionog plana Industrijske zone Koritnik.

Član komisije za Statut i propise Arif Sirotanović povlači svoje izdvojeno mišljenje dato na Komisiji za Statut i propise.

Predsjednik kluba SBB Muraović Namik zatražio je dodatno pojašnjenje za prijedlog odluke.

Pomoćnik općinskog načelnika Smajila Omerhodžić pojasnila je da predmetni obuhvat predstavlja atraktivno građevinsko zemljište za razvoj privrednih kapaciteta, te je plan da se svi prostorni resursi u gradu stave na raspolaganje domaćim i stranim investitorima. Predmetni obuhvat je Prostornim planom općine definisan kao područje za koje je potrebno donijeti provedbenu plansku dokumentaciju kojom bi se definisali saobraćaj i osnovi infrastrukture, te veličine parcela za izgradnju privrednih postrojenja.

Nakon datog pojašnjenja predsjedavajući Općinskog vijeća dao je na glasanje predloženu odluku, te je nakon provedenog postupka glasanja konstatovan je da je Odluke o pristupanju izradi Regulacionog plana „Industrijske zone Koritnik“ usvojena jednoglasno sa 20 glasova ZA, bez protiv i suzdržanih glasova.

Ad. 10

Razmatranje i usvajanje prijedloga Odluke o pristupanju izradi Regulacionog plana „Autosaobraćaj-Breza“

Bez učesnika u raspravi jednoglasno sa 20 glasova ZA, bez glasova protiv i suzdržanih, usvojena je Odluka o pristupanju izradi Regulacionog plana „Autosaobraćaj-Breza“

Ad.11

Razmatranje i usvajanje prijedloga Odluke o stavljanju van snage Odluke o izmjeni Odluke o bližim kriterijima za imenovanje u Upravni odbor JU Dom zdravlja Breza.

Pomoćnik općinskog načelnika Salih Hasanspahić pojasnio je da članove Upravnog odbora imenuje Općinsko vijeće i određuje i bliže kriterije za imenovanje u skladu sa članom 12. Odluke o bližim kriterijima za imenovanje u Upravni odbor JU Dom zdravlja Breza. Jedan od kriterije koje mora ispunjavati je i 5 godina radnog iskustva u struci. Novom odlukom predlaže se radno iskustvo od 4 godine.

Vijećnik Avdić Edin predlaže da se omogući mladi kadrovima da konkurišu u upravljačke strukture.

Predsjedavajući Općinskog vijeća Jusić Vedad slaže se da se kriteriji promjene, te da da se mladima ljudima omogući da mogu učestvovati u izboru.

Vijećnik Sirotanović Arif predlaže da se za vijeće pripreme odluke o kriterijima i za druge javne ustanove te da se vijeće o istim izjasni na narednoj sjednici Općinskog vijeća.

Općinski načelnik predlaže da se odluka povuče sa dnevnog reda i pripremi za sljedeću sjednicu Općinskog vijeća.

Predsjednik kluba SBB Namik Muratović predlaže pauzu radi usaglašavanja stavova. (Uslijedila je pauza 21:20 do 21,25)

Vijećnik Buljetović Čamil mišljenja je da se oko ovog prijedloga vodi nepotrebna rasprava obzirom da se već zna ko su članovi Upravnih odbora.

Predsjednik kluba SBB Namik Muratović smatra neozbiljnim izjavu vijećnika Čamila Buljetovića, te da je osnovni razlog za promjenu kriterija da se mladim ljudima omogući da mogu biti u konkurenciji za izbor.

Učesnika u raspravi više nije bilo te je predsjedavajući dao na glasanje prijedlog odluke. Nakon provedenog postupka glasanja konstatovano je da Odluke o stavljanju van snage Odluke o izmjeni odluke o bližim kriterijima za imenovanje u Upravni odbor JU Dom zdravlja Breza nije dobila potrebnu većinu (15 vijećnika je bilo suzdržano, 2 vijećnika su bila protiv).

Ad. 12.

Izjašnjavanje o povjerenju članova upravnog odbora u Javnoj ustanovi Centra za socijalni rad, te razmatranje ostavke člana Upravnog odbora.

Džambić Mirza u funkciji savjetnika Općinskog načelnika je pojasnio pravni osnov i razloge za predlaganje ove tačke dnevnog reda. Istakao je da je zakonom i podzakonskim aktima propisano u kojim slučajevima i prije isteka mandata može doći do razrješenja članova upravnih odbora javnih ustanova.

Vijećnik Avdić Edin su uključio u raspravu te je istakao da razlozi koji su navedeni u obrazloženju predmetene tačke dnevnog reda nisu pravi argumenti za razrješenje. Takođe je istakao da je poznato da prilikom smjene vlasti automatski dolazi i do smjene ostalih upravljačkih struktura na području općine.

Vijećnik Bajrić Fetah istakao je da je on više puta u proteklom radu na sjednicama Općinskog vijeća upozoravao na nezakonit rad JU Centar za socijalni rad Breza, kako u pogledu dodjele novčanih naknada tako i u pogledu zapošljavanja, te je protiv istih neophodno pokrenuti postupak razrješenja.

Vijećnik Muratović Namik postavio je pitanje o odgovornosti direktora i članova uoparnog odbora.

Predsjedavajući općinskog vijeća Jusić Vedad postavio je pitanje ko je nadležan za pokretanje postupka odgovornosti prema odgovornim licima u javnim ustanovama.

Općinski načelnik Munib Zaimović pojasnio je postupak i proceduru za smjenu upravljačke strukture u javnim ustanovama i javnim preduzećima, te da će biti procesuirani svi oni koji nisu radili u skladu sa zakonskim propisima.

Predsjedavajući Općinskog vijeća dao je na glasanje prijedlog o razrješenju članova upravnog odbora u Javnoj ustanovi Centra za socijalni rad Breza.

Nakon provedenog postupka glasanja konstatovano je da je Upravni odbor u sastavu

1. Omer Omerhodžić, iz reda osnivača, predsjednik,
2. Fikret Herco, iz reda osnivača, član,
3. Hafa Gazdić, iz reda zaposlenih, član

razrješen dužnosti sa 17 glasova ZA i 3 suzdržana glasa, bez glasova protiv.

Ad.13

Imenovanje članova upravnih odbora Javnih ustanova na kraći period i to:

- Dom zdravlja Breza
- Centar za socijalni rad
- Opća biblioteka Muhamed Kantardžić
- Obdanište „Umihana Čuvidina Breza“

Predsjednik Komisije za izbor, imenovanja i administrativne poslove Anes Zaimović na bazi prijedloga odgovornog javnog službenika, predlaže da se u Upravne odbore Javnih na kraći period imenuju sljedeći:

a) U Dom zdravlja Breza predlažu se:

1. Muratović Kenan
2. Salčinović Fikret
3. Muratović Emira

Vijećnik Sirotanović Arif tražio je podatke o predloženim kandidatima.

Vijećnik Namik Muraović pojasnio je da se imenovanje vrši na period od 3 mjeseca odnosno do raspisivanja javnog oglasa.

Nakon datih pojašnjenja od strane vijećnika predsjedavajući Općinskog vijeća dao je na glasanje dati prijedlog, te je nakon provedenog postupka glasanja konstatovano je da je prijedlog usvojen sa 15 glasova ZA, 3 protiv i 2 suzdržana glasa.

b) U JU Centar za socijalni rad Breza predlažu se:

1. Tabaković Alma
2. Omerhodžić Rešad
3. Jekalović Evelina

Nakon provedenog postupka glasanja konstatovano je da je prijedlog usvojen sa 14 glasova ZA, 4 suzdržana i 2 glasa protiv.

c) U Upravni odbor JU Opća biblioteka „Muhamed Kantardžić“ Breza predlažu se:

1. Jusić Faris
2. Mlivić Selma
3. Redžić Sanela

Nakon provedenog postupka glasanja konstatovano je da je prijedlog usvojen sa 14 glasova ZA, 4 suzdržana i 2 glasa protiv.

d) U Upravni odbor Javne ustanove Obdanište Umihana Čuvidina Breza predlažu se:

1. Mušić Amra
2. Salčinović Adina
3. Opačin Zahida

Nakon provedenog postupka glasanja konstatovano je da je prijedlog usvojen sa 13 glasova ZA, 5 suzdržana i 2 glasa protiv.

Ad. 14.

.Imenovanja komisija stalnih radnih tijela Općinskog vijeća

- a) Komisija za Statut i propise
- b) Drugostepena upravna komisija
- c) Komisija za budžet i finansije

Predsjednik Komisije za izbor, imenovanja i administrativne poslove upoznao je vijećnike da je komisija održala sastanak 26.12.2016 godin i otvorila prispjele koverte .

Komisija za izbor, imenovanja i administrativne poslove je na sjednici održanoj 05.12.2016 godine utvrdila tekst Javnog oglasa za imenovanje na naprijed navedene komisija koji je bio otvoren deset dana na oglasnoj ploči Općine Breza, kao i na web stranici Općine Breza.

Komisija predlaže Općinskom vijeću da se u radna tijela OV imenuju sljedeći kandidati:

Za predsjednika i članove Komisije za Statut i propise imenuju se:

1. Kovačević Azra, predsjednik ,
2. Frljak Kenan, član,
3. Dedić Miralem, član,
4. Avdović Adis, član,
5. Zelenturović Admir, član.

Za predsjednika i članove Drugostepene upravne komisije imenuju se:

1. Čosić Adi, predsjednik,
2. Zahirović Midhat, član,
3. Kustura Lejla, član,
4. Gavranović Dino, član,
5. Mamela-Herco Mersiha, član.

U Komisiju za Budžet i finansije, Općinskog vijeća Breza imenuju se:

1. Hasić Muamed, predsjednik
2. Džambić Adna, član
3. Ahmedspahić Selvedina, član
4. Omerhodžić Jasna, član
5. Nefić Haris, član

Članovi stalnih radnih tijeka komisija u prethodnom sazivu izbori 2012-2016 godina razriješeni su dužnosti zbog isteka mandata i to:

Predsjednik i članovi Komisije za Statut i propise, zbog isteka mandata, („Službeni glasnik Općine Breza“, broj: 08/13, 5/14)

6. Mamela Herco Mersiha, predsjednik,
7. Omerhodžić Senada, član,
8. Subaša Hasan, član
9. Dinar Kenan, član, član,
10. Sirotanović Arif, član.

Predsjednik i članovi Drugostepene upravne komisije, zbog isteka mandata, („Službeni glasnik Općine Breza broj: 01/13, 11/14“).

6. Čosić Adi, predsjednik komisije
7. Mustafić Eldin, član,
8. Džambić Mirza, član,
9. Avdović Adis, član,
10. Karamustafić Amila, član.

Predsjednik i članovi Komisije za budžet i finansije („Službeni glasnik Općine Breza“, broj 03/15), i to:

1. Omerhodžić Medina, dipl.pravnik, predsjednik
2. Bulbulušić Ermina, dipl.pravnik, član
3. Hrustanović Mirza, dipl.ekonomista, član
4. Beganović Sadik, dipl. ekonomista, član
5. Frljak Ramiza, bachler ekonomije, član

Ovim je iscrpljen dnevni red prve redovne sjednice Općinskog vijeća Breza koja je sa radom završila u 22 sata.

Sastavni dio ovog zapisnika čini i tonski zapis sjednice.

ZAPISNIK SAČINILA
Zakira Smailbegović

PREDSJEDAVAJUĆI
Općinskog vijeća
Jusić Vedad